

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO –NERETVANSKI KANTON  
GRAD MOSTAR  
J.U. CENTAR ZA DJECU I OMLADINU SA  
POSEBNIM POTREBAMA „LOS ROSALES“ MOSTAR

UPRAVNI ODBOR CENTRA „LOS ROSALES“

Broj: 01-15-07/21

Datum: 17.06.2021. godine

Na osnovu člana 70. Zakona o javnim nabavkama (“Sl.glasnik BiH” broj 36/14), na preporuku Komisije za javnu nabavku broj: 02-P-10/21 od 09.06.2021. godine, u postupku javne nabavke roba – peleta, Upravni odbor Centra “Los Rosales” na sjednici održanoj 17.06.2021. godine donio je:

### **ODLUKU**

o izboru najpovoljnijeg ponuđača i dodjeli Okvirnog sporazuma

#### **Član 1.**

Prihvata se preporuka Komisije za javnu nabavku i Okvirni sporazum za javnu nabavku i dostavu roba – kruta goriva - drvena pelet EN plus za potrebe grijanja J.U. Centar za djecu i omladinu sa posebnim potrebama „Los Rosales“ Mostar, dodjeljuje se ponuđaču ENSA BH d.o.o. SRBAC za ponudenu cijenu od 9.300,00 KM bez PDV-a, kao najpovoljnijem ponuđaču.

#### **Član 2.**

Postupkom javne nabavke predviđeno je zaključivanje Okvirnog sporazuma sa jednim dobavljačem na period od godinu dana od dana stupanja na snagu Okvirnog sporazuma. Stvarna realizacija Okvirnog sporazuma zavisit će od potreba Ugovornog tijela i raspoloživih finansijskih sredstava, ali ne može prijeći utvrđene okvirne količine, nego ista može biti jednaka ili manja od predviđene okvirne količine.

#### **Član 3.**

Prijedlog Okvirnog sporazuma o nabavci dostavit će se na potpis izabranom ponuđaču ENSA BH d.o.o. Srbac po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

#### **Član 4.**

Izabrani ponuđač dužan je u roku od od 5 (pet) dana od dana dostavljanja ove Odluke dostaviti dokaze o ispunjavanju uslova za kvalifikaciju u skladu tenderskom dokumentacijom - Uslovi za kvalifikaciju ponuđača, tačna 6. Lična sposobnost – u smislu člana 45. Zakona.

Dokazi lične sposobnosti dostavljaju se kao originali ili ovjerene kopije originala, ovjerenu kod nadležnog organa (općinskog organa uprave ili notara), s tim da datum izdavanja originala ne može biti stariji od 3 (tri) mjeseca računajući od trenutka predaje ponude.

#### **Član 5.**

Izabrani ponuđač je također dužan u roku od 5 (pet) dana od dana dostavljanja ove Odluke dostaviti dokaz o ispunjavanju uslova o primjeni preferencijalnog tretmana domaćeg u skladu sa tačnom 20. Tenderske dokumentacije u originalu ili ovjerenoj kopiji.

#### **Član 6.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

## Obrazloženje

Postupak javne nabavke peleta pokrenut je Odlukom o pokretanju postupka javne nabavke broj: 01-11-06/21 od 06.05.2021. godine, nabavka krutog goriva - peleta za potrebe grijanja Centra "Los Rosales" Mostar, sa procjenjenom vrijednošću u iznosu od 9.000,00 KM bez PDV-a. Nabavka je predviđena Planom javnih nabavku za 2021. godinu pod rednim brojem 10. i provedena je putem konkurentskog zahtjeva za dostavu ponuda sa predviđenim zaključivanjem Okvirnog sporazuma i namjerom provođenja e-aukcije.

Obavijest o nabavci broj: 7925-7-1-7-3-1/21 zajedno sa tenderskom objavljena na Portalu javnih nabavki dana 17.05.2021. godine

Tendersku dokumentaciju sa Portala javnih nabavki preuzelo je 11 (jedanaest) ponuđača: KOP I KO D.O.O. ZA USLUGE TRGOVINU I TRANSPORT; E KAPIJA DOO; IMTEC D.O.O. SARAJEVO; „GRADPROM“ D.O.O. SRBAC; MAX PELET DOO; ITD D.O.O. SARAJEVO; PPT; BBS EUROPE; ENSA BH D.O.O.; LUMBERJACK D.O.O.; ILIĆ-TRGOVINA D.O.O., dok je izmjene i dopune odnosno ispravku tenderske dokumentacije od 21.05.2021. godine preuzelo 6 (šest) ponuđača: LUMBERJACK D.O.O.; KOP I KO D.O.O. ZA USLUGE TRGOVINU I TRANSPORT; EKAPIJA DOO; EURO STIL D.O.O. DOBOJ; ENSA BH D.O.O.; TND D.O.O. VISOKO. Poziv za dostavu ponude u postupku konkurentskog zahtjeva u skladu sa članom 88. Zakona o javnim nabavkama („Službeni glasnik BiH“, broj 39/14) upućen na tri adrese i to: DRVOSJEČA doo Sarajevo Bačići do broja 72, 71000 Sarajevo, "PPT" doo Tomislavgrad, Mokronoge bb, 80240 Tomislavgrad, EURO-STIL d.o.o. Doboj, Nikole Tesle br. 71, 74 000 Doboj.

Komisija za javnu nabavku imenovana Odlukom Upravnog odbora broj: 01-12-06/21 od 06.05.2021. godine utvrdila je da su na adresu ugovornog organa u utvrđenom roku za prijem ponuda do 31.05.2021. godine do 10:00 sati prispjele četiri (4) blagovremene ponude, dok neblagovremenih ponuda nije bilo.

Komisija za javnu nabavku dostavila je Upravnom odboru Zapisnik o pregledu i ocjeni ponuda broj 02-Z-08/21 kao i Preporuku u postupku nabavke krutog goriva - drvenog peleta EN plus.

Komisija za javne nabavke izvršila je pregled i ocjenu prispjelih ponuda, sačinila zapisnik o pregledu i ocjeni ponuda u kojem je konstatovano:

- Ponuda ponuđača „PPT“ doo Tomislavgrad nije kvalifikovana, ista se u skladu sa članom 68. Zakona odbacuje kao neprihvatljiva, zbog sljedećih razloga: Uvidom u dostavljenju ponudu utvrđeno je da je ponuđač dostavio Obrazac za cijenu ponuda iz osnovne TD, a ne iz izmjene TD. Naime, Ugovorni organ je dana 21.05.2021. godine izvršio izmjenu tenderske dokumentacije. Navedene izmjene objavljene su na portalu Javnih nabavki dana 21.05.2021. godine, a svi ponuđači su putem pitanja i odgovora obaviješteni da je došlo do izmjene tenderske dokumentacije. Uvidom u izvještaj o preuzimanju tenderske dokumentacije utvrđeno je da ponuđač nije ni preuzeo izmjene tenderske dokumentacije sa Portala Javnih nabavki.

S obzirom da se radilo o izmjeni Obrasca za dostavljenje ponude - *Aneks I*, da ponuđač nije preuzeo izmjene tenderske dokumentacije, te je svoju ponudu dostavio na temelju osnovne tenderske dokumentacije, Komisija za javne nabavke jednoglasno je donijela odluku da se ponuda ponuđača "PPT" doo Tomislavgrad odbaci kao neprihvatljiva jer dostavljeni Obrazac nije u skladu sa zahtjevima iz tenderske dokumentacije.

U skladu sa stavom Agencije za javne nabavke „ponuđač koji ne pregleda pojašnjenje rizikuje da njegova ponuda ne bude ocjenjena kao prihvatljiva“, ponuda ponuđača PPT doo ocjenjena je kao neprihvatljiva.

Pored navedenog, uvidom u ponudu ponuđača "PPT" doo Tomislavgrad utvrđeno je da je na Obrascu za dostavljanje ponuda za Mjesto i datum, stoji *Tomislavgrad 04.05.2021*, a tenderska dokumentacije objavljena je dana 17.05.2021. godine.

Ponude sljedećih ponuđača su prihvatljive, dostavljeni su svi traženi dokumenti propisani tenderskom dokumentacijom, na propisan način: **LUMBERJACK DOO, Stupska bb, 71 000 Sarajevo; "KOP I KO" doo Živinice, Križaljka br. 1, 75270 Živinice; ENSA BH Srbac, Prijebljezi bb, 78429 Razboj, Srbac.**

S obzirom da je pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu sa Pravilnikom o uslovima i načinima korištenja e-aukcije ("Službeni glasnik BiH" broj 66/16), dana 09.06.2021. godine u 11:00 pokrenuta je E - aukciju prema kriteriju najniže cijene tehnički zadovoljavajuće ponude.

Nakon održane E-aukcije koja je trajala 15 minute, te shodno priloženom izvještaju o toku i završetku E-aukcije broj postupka 7925-7-1-7/21 prema kojoj nije bilo podnošenja ponuda, lista prihvatljivih i najbolje rangiranih ponuda prema kriteriju za izbor ponuda data je sljedeća:

RANG	Naziv ponuđača	Konačna cijena u KM bez PDV-a
1.	ENSA BH D.O.O.	9.300,00 KM
2.	LUMBERJACK D.O.O.	9.484,50 KM
3.	KOP I KO D.O.O.	9.600,00 KM

Shodno rezultatima nakon provedene e-aukcije, te prijedloga i preporuke Komisije za javne nabavke Okvirni sporazum za nabavku – drvenog peleta Enplus dodjeljuje se ponuđaču ENSA BH Srbac, Prijebljezi bb, 78429 Razboj, Srbac, ponuda br. 64-td/21 od 26.05.2021. godine za ponudenu najnižu cijenu u iznosu od 9.300,00 KM (bez PDV-a), kao najpovoljnijem ponuđaču.

Izabrani ponuđač dužan je u roku od od 5 (pet) dana od dana dostavljanja ove Odluke dostaviti dokaze o ispunjavanju uslova za kvalifikaciju u skladu sa uslovima iz tenderske dokumentacije - Uslovi za kvalifikaciju ponuđača, tačna 6. Lična sposobnost – u smislu člana 45. Zakona.

Dokazi lične sposobnosti dostavljaju se kao originali ili ovjerena kopija originala, ovjerenu kod nadležnog organa (općinskog organa uprave ili notara), s tim da datum izdavanja originala ne može biti stariji od 3 (tri) mjeseca računajući od trenutka predaje ponude.

Izabrani ponuđač je također dužan u roku od 5 (pet) dana od dana dostavljanja ove Odluke dostaviti dokaz o ispunjavanju uslova o primjeni preferencijalnog tretmana domaćeg u skladu sa tačnom 20. Tenderske dokumentacije u originalu ili ovjerenom kopiji.

U slučaju da se navedeni dokazi lične sposobnosti i preferencijalnog tretmana domaćeg iz TD ne dostave ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda u skladu sa kriterijima iz tenderske dokumentacije. U postupku ocjene provedenog postupka Upravni odbor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocjenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Zbog svega navedenog odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se izjaviti žalba Ugovornom organu u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj 39/14).

PREDSJEDNICA UPRAVNOG ODBORA

 / Amela Begović /

Dostaviti:

1. Ponuđačima x 4 (putem e-maila)
2. Administrativno – finansijska služba
3. a/a